



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2008. GODINU STRANKE PENZIONERA-UMIROVLJENIKA BOSNE I HERCEGOVINE

Broj: 03-07-6-1408/09
Sarajevo, april, 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	6
5.1 NALAZI.....	6
5.2 PREPORUKE.....	7

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja **Stranke penzionera-umirovljenika Bosne i Hercegovine** za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Rukovodstvo stranke je odgovorno za finansijske izvještaje, postupanje u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Stranka penzionera-umirovljenika Bosne i Hercegovine je prekršila odredbe člana 8. stav (1) Zakona o finansiranju političkih stranaka, jer je ostvarila zabranjeni prilog.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Stranke penzionera-umirovljenika BiH za 2008. godinu i to: godišnjeg finansijskog izvještaja za 2008. godinu i finansijskog izvještaja za period od dana podnošenja prijave za ovjeru za izbore do dana ovjere rezultata lokalnih izbora, održanih u oktobru 2008. godine.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja, Stranka penzionera-umirovljenika BiH je iskazala prihode u iznosu od 294.772,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u ukupnom prihodu %
1	Članarina	67.591,00	22,90%
2	Prilozi fizičkih lica	2.817,00	0,95%
3	Prilozi pravnih lica	9.090,00	3,10%
4	Prihodi od imovine	536,00	0,20%
5	Prihodi od pr.lica	0,00	0,00%
6	Prihodi od poklona	3.700,00	1,25%
7	Prihodi iz budžeta	211.038,00	71,60%
9	Ukupni prihodi:¹	294.772,00	100,00%

U godišnjem finansijskom izvještaju Stranka penzionera-umirovljenika BiH je iskazala ukupne rashode u iznosu 319.161,31 KM.

2. PREDSTAVLJANJE POLITIČKE STRANKE

Naziv političke stranke: Stranka penzionera-umirovljenika Bosne i Hercegovine. Skraćeni naziv stranke je SP-U BiH.

Stranka je upisana u registar političkih organizacija pod brojem R-I-4/02. Posljednja registracija je izvršena 19.03.2007. godine u Općinskom sudu u Sarajevu pod brojem 065-0-Reg-07-000122. Sjedište političke stranke je u Sarajevu, ulica Azize Šaćirbegović br. 2.

¹ Podaci koji su iskazani u tabeli preuzeti su iz korigovanog godišnjeg finansijskog izvještaja Stranke penzionera-umirovljenika Bosne i Hercegovine za 2008. godinu, koji je Centralnoj izbornoj komisiji BiH dostavljen 15.09.2009. godine.

Prema podacima iz godišnjeg finansijskog izvještaja za 2008. godinu ovlaštena lica za zastupanje stranke su: Mehmed Nurkanović, predsjednik, Isak Salko, zamjenik predsjednika, Avdija Uzunović, potpredsjednik i Zilha Nametak potpredsjednik stranke.

Rješenjem Općinskog suda u Sarajevu, broj: 065-0-Reg-08-00184-I od 30.06.2008. godine, kao ovlaštena lica za zastupanje i predstavljanje stranke u registar promjene lica ovlaštenih za zastupanje Stranke penzionera – umirovljenika Bosne i Hercegovine su upisani: Nurkanović Mehmed, predsjednik, Isak Salko, zamjenik predsjednika i Uzunović Avdija, potpredsjednik.

Lice ovlašteno za podnošenje finansijskih izvještaja za 2008. godinu je Azijada Lagumdžija.

Prema podacima iz godišnjeg finansijskog izvještaja za 2008. godinu, organizacionu strukturu Stranke penzionera-umirovljenika Bosne i Hercegovine čine:

- Glavni odbor SP-U BiH Sarajevo,
- 9 kantonalnih odbora,
- SP-U BiH Brčko Distrikt
- 54 opštinska odbora.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Stranke penzionera-umirovljenika BiH za 2008. godinu i finansijski izvještaj za period od dana podnošenja prijave za ovjeru za izbore do dana objere rezultata lokalnih izbora održanih u oktobru 2008. godine.

Cilj pregleda i kontrole je da revizor na bazi finansijskog izvještaja pokuša da ustanovi da li je Stranka penzionera-umirovljenika BiH u izvještajnom periodu postupala u skladu sa odredbama Zakona o finansiranju političkih stranaka i člana 15.10. Izbornog zakona BiH. Ukoliko revizor na bazi kontrole finansijskog izvještaja utvrdi određena kršenja Zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Stranke penzionera-umirovljenika BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na članarine, priloge pravnih i fizičkih lica, prihode od poklona, prihode iz budžeta i troškove predizborne kampanje.

4. PRETHODNE KONTROLE I REVIZIJE

Služba za reviziju je izvršila pregled godišnjeg finansijskog izvještaja Stranke penzionera-umirovljenika Bosne i Hercegovine za 2005. godinu i 2006. godinu i izdala izvještaj o pregledu sa mišljenjem revizora, nalazima i preporukama da stranka treba da postupa u skladu sa odredbama člana 8. stav (1) Zakona o finansiranju političkih stranaka.

Izvršena je revizija godišnjeg finansijskog izvještaja Stranke penzionera-umirovljenika Bosne i Hercegovine za 2007. godinu, nakon koje je izdat izvještaj o reviziji sa mišljenjem revizora, nalazima i preporukom revizije da stranka treba postupati u skladu sa odredbama člana 8. stav (1) i člana 11 stav (1) i (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Nerealizovane preporuke

Na osnovu uočenih nedostataka u godišnjem finansijskom izvještaju za 2008. godinu, utvrđeno je da politička stranka nije ispoštovala preporuke koje su date u izvještajima o pregledu i izvještaju o reviziji finansijskih izvještaja za 2006. i 2007. godinu, odnosno postupila je suprotno odredbama člana 8. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

Stranka penzionera-umirovljenika Bosne i Hercegovine nije postupila u skladu sa odredbama člana 8. stav (1) Zakona o finansiranju političkih stranaka.²

Kantonalnom odboru Stranke penzionera-umirovljenika Bosne i Hercegovine Sarajevo je Ugovorom broj: 01-125/08 od 30.10.2008. godine dodjeljen na korištenje bez naknade, prostor površine 45 m² u poslovnoj zgradi Federalnog zavoda za PIO/MIO u Sarajevu.

Na osnovu pregleda godišnjeg finansijskog izvještaja Stranke penzionera-umirovljenika BiH, utvrđeno je da stranka odnosno njeni odbori koriste bez naknade prostorije opštinskih organa uprave. Deset (10) opštinskih odbora koristi poslovne prostorije opština i to: Novi grad Sarajevo, Stari grad Sarajevo, Centar Sarajevo, Zavidovići, Visoko, Breza, Tešanj, Bosanska Krupa, Glamoč i Tuzla, i Kantonalni odbor Tuzla.

Na taj način stranka je ostvarila zabranjen prilog i postupila suprotno odredbama člana 8. stav (1) Zakona.

Troškovi predizborne kampanje

Stranka penzionera-umirovljenika BiH je postupila u skladu sa odredbama člana 15.10 Izbornog zakona BiH, odnosno u svrhu izborne kampanje je potrošila 49.248,68 KM.

Prema odredbama člana 15.10 Izbornog zakona BiH politička stranka za potrebe izborne kampanje ne smije potrošiti više od 0,30 odnosno 0,20 KM³ po biraču u svakom izbornom krugu, prema broju birača koje je objavila Centralna izborna komisija BiH.

Prema podacima Centralne izborne komisije BiH, Stranka penzionera-umirovljenika BiH je u svrhu izborne kampanje za Lokalne izbore 2008. godine mogla potrošiti 457.994,40KM.

² Državni, entitetski i kantonalni organi, organi opštinskih i mjesnih zajednica, javne institucije, javna preduzeća, humanitarne organizacije, preduzeća koja su po svojoj djelatnosti isključivo neprofitna, vjerske zajednice, kao i privredna udruženja u kojima uloženi javni kapital iznosi najmanje 25% ne mogu da finansiraju političke stranke.

³ Član 15.10 stav 2. istog člana propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga za načelnika opštine odnosno gradonačelnika i za članove skupštine opštine, članove Narodne skupštine RS i Predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, i predsjednika i potpredsjednike RS, odnosno 20 feninga za izbore za članove kantonalnih skupština.

5.2. PREPORUKE

Preporučuje se Stranci penzionera-umirovljenika Bosne i Hercegovine da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- da postupa u skladu sa odredbama člana 8. stav (1) Zakona o finansiranju političkih stranaka, odnosno da se ne finansira priložima koji su zabranjeni ovim Zakonom.

KOMENTAR

Stranka penzionera-umirovljenika BiH se u ostavljenom roku aktom od 18.02.2010. godine očitovala te u istom dala primjedbe na nalaze revizije u smislu člana 8. stav (1) Zakona o finansiranju političkih stranaka. Naime, Stranka penzionera-umirovljenika BiH je dostavila podatke o uplatama zakupnine Kantonalnog odbora stranke u Zenici za 2008. godinu i dokaze o izmirenim obavezama stranke za zakupninu prema Općini Zenica. Kako je navedena primjedba koja se odnosi na plaćanje zakupnine KO SP-U BiH Zenica argumentovana validnim dokazima (kopijama računa i uplatnicama na ime plaćene zakupnine) ista je uvažena i ugrađena u Konačni izvještaj o pregledu godišnjeg finansijskog izvještaja za 2008. godinu.

Mr. Hasida Gušić, šef Službe za reviziju - revizor

Nevenko Andan, revizor

Anela Burdžović- Kapić, pomoćnik revizora